

# Lóan Fréttabréf Veturinn 2021-2022

## Starfsfólk á Lóunni veturinn 2021-2022

Jóhanna G. Sigtryggisdóttir Deildarstjóri  
Karitas Jónsdóttir leikskólakennari  
Helena Sjörup 50% sérkennsla  
Arna Lind Viðarsdóttir 50% sérkennsla  
Svandís Erla Valdimarsdóttir afleysing

## Börnin á Lóunni

Í vetur verða 12 börn á Lóunni, 6 stúlkur og 6 drengir.  
Þau eru fædd frá júní til desember 2018



## Dagskipulag

Yfirlit yfir dagskipulagið er að finna á heimasíðunni okkar. Þar er hægt að sjá hvað verið er að gera á hverjum degi og klukkan hvað.

**Mánudagar** – Listasmiðja/leikur/Síðuskóli

**Þriðjudagar** – Hreyfing/Málrækt/leikur

**Miðvikudagar** – Vettvangsferð

**Fimmtudagar** - Hópastarf

**Föstudagar** – Frjáls leikur, útivera.

Beinn sími á Lóuna er **460-6225**

GSM-númer Lóunnar er **649-6224**

<http://www.krogabol.karellen.is>

## Dagatal

Mánaðarlega útbúum við dagatal fyrir deildina en þar má sjá hvað ber hæst í hverjum mánuði. Dagatalið er sett inn á heimasíðu leikskólans en þar er hægt að prenta það út og hvetjum við alla til að gera það. Börnin hafa mjög gaman af að fylgjast með hvað bíður þeirra næsta dag eða í mánuðinum. Við hvetjum ykkur líka til að skoða heimasíðuna [krogabol.karellen.is](http://www.krogabol.karellen.is) reglulega, þar eru ýmsar upplýsingar varðandi leikskólann.

## Leikurinn

Þegar börnin leika sér í frjálsum leik velja þau ákveðin svæði og leikefni og dvelja þar um stund. Tímavakinn (klukkan) er stilltur og þau dvelja á svæðinu þar til tíminn er búinn. Stundum vilja þau halda áfram og þá er það í lagi en annars mega þau fara á nýtt svæði með öðru leikefni. Tímavakann notum við til að kenna þeim að vera lengur á sama svæði, að þau vaði ekki úr einu í annað. Einbeiting þeirra eykst jafnt og þétt og leikirnir þróast.



## Hópastarf

Í hópastarfinu ætlum við að vinna markvisst að því að börnin tengist vel í hópnum og að þau geti tekið tillit til félaga sinna í leik og verkefnavinnu. Námsgvið leikskólans fléttast svo inn í allt starfið en þau eru: læsi, sjálfbærni, lýðræði og mannréttindi, jafnrétti, heilbrigði og velferð og sköpun.

Í hópastarfi vinnum við með stafi, tölustafi, lífsleikni, námssviðin, förum í hreyfistundir, listasmiðju og vettvangsferðir, ásamt því að vinna með þema sem kennarinn leggur fyrir eða börnin hafa áhuga á. Á föstudögum er svo meiri blöndun og útivera. Hóparnir eru eftirfarandi:

### Guli hópur

#### Hópstjóri:

#### Jóhanna/Helena

- Gabriela Myrk
- Mía Hólm
- Leon Viktor
- Mikael Þór B
- Úlfur Orri
- Glódís Heiða
- Sverrir Ásberg

### Blái hópur

#### Hópstjóri:

#### Kara

- Thelma Björk
- Kristian Kári
- Arney Elísabet
- Elín Línberg
- Mikael Þór V.

## Lífsleikni

Í vetur vinnum við með tvær aðal dygðir;

**hjálpsemi** (1. okt.- 31. des.) og  
**þolinmæði** (**hófsemi**) (1. feb. – 30. apríl).



**Lífsleikni**

Síðusel Sunnuból Krógaból

Allt okkar starf litast af þessum dygðum, s.s. í samveru, listsköpun og hreyfingu. Í lok innlagnar hverrar dygðar erum við með svokallaða dygðastund þar sem kennarar og börn deildanna skiptast á að skemmta hinum.

**Í SEPTEMBER OG JANÚAR ER UNNIÐ MEÐ AGA OG REGLUR LEIKSKÓLANS.**

## Málrækt á Krógabóli

Tungumálið skiptist í fjóra þætti; hljóðkerfi, merkingarfræði, málfræði og málnotkun. Unnið er markvisst með alla málþættina í leikskólanum. Markmiðið með málrækt á Krógabóli er að gefa börnum tækifæri á að kynnast tungumálinu og möguleikum þess á fjölbreytilegan hátt. Málþættirnir þrír eru samofnir daglegu starfi í leikskólanum en einnig er unnið á markvissan hátt með ýmis verkefni sem miða að því að auka skilning og hæfni barna til að tjá sig og koma hugmyndum sínum á framfæri. Lögð er áhersla á lestur og að börn fái tækifæri til að nota málið á fjölbreytilegan hátt í starfinu, m.a. með því að læra þulur og vísur, syngja og segja frá.

Við vinnum mikið með hljóðkerfisvitund en hún hefur forspárgildi varðandi hvernig barni gengur að læra að lesa. Við kennum börnunum að hlusta með lestri og athyglisleikjum. Byrjum að vinna markvisst með takt og rím við tveggja ára aldur, höldum áfram og bætum við flóknara rími og leik með málið hjá þriggja og fjögurra ára. Þar er einnig lögð áhersla á að kenna börnunum að ritað mál og tákni hafi merkingu.

## Lubbi

Við vinnum með bókina „Lubbi finnur málbein“ en það er námsefni sem inniheldur bókina um Lubba, hljómdisk og mynddisk. Lubbi er íslenskur fjárhundur og hann langar að læra að tala en þá vandast málið því þá þarf hann að læra öll íslensku málhljóðin. Börnin þurfa því að hjálpa Lubba að læra íslensku málhljóðin með söng og ýmsum öðrum æfingum. Þarna fer fram hljóðanám í þrívídd; sjón, heyrn og hreyfi/snertiskyn er notað og fer það þannig fram að börnin gera tákni fyrir málhljóðin og hljóða málhljóðin.

## Listasmiðja



**Á mánudögum** höfum við **listasmiðju** til afnota. Börnin fara í hópunum sínum en allir á deildinni vinna að sama verkefninu. Við útbúum hin ýmsu verkefni sem tengjast t.d. árstíðunum, vettvangsferðum, þeirri dygð sem verið er að vinna með hverju sinni eða bara það sem okkur dettur í hug. Við notum alls kyns efnivið, t.d. málningu, blek og lím og þrátt fyrir að börnin fari í svuntur þá halda þær ekki alltaf. Fatnaður þarf því að vera í samræmi við það.

## Salur - Hreyfing

Hreyfing er hluti af okkar daglega lífi hér á Krógabóli. Markvissar hreyfistundir hafa verið einu sinni í viku í salnum en því miður höfum ekki aðgang að salnum lengur og því færast hreyfistundirnar inn á deild eða út. Við ætlum við að reyna að koma að sem flestum þáttum sem áður voru gerðir í salnum. Markvissar hreyfistundir eru mjög vinsælar hjá börnunum og eru alltaf fjölbreyttar og skemmtilegar og við allra hæfi. Tímarnir byrja á því að börnin eru boðin velkomin og stundum er spjallað til að efla tengsl innan hópsins. Síðan hefst upphitun og þar læra börnin að fara eftir fyrirmælum um upphitunaræfingar. Í salnum læra börnin að fara í gegnum þrautabrautir, æfa stöðvaþjálfun og æfingar fyrir heilsubókina. Oft fer tíminn í að læra hreyfileiki, bæði gamla og nýja og í lok hvers tíma þökkum við fyrir tímann. Krógaból er heilsuleikskóli og í nóvember og mars er heilsubókarvika, þá gera börnin æfingar eftir stöðluðum hreyfiæfingum og er það skráð í heilsubók barnsins. Að auki förum við 1x í mánuði í íþróttasalinn í Síðuskóla.

## Útikennsla

Í leikskólanum er mikil áhersla lögð á útiveru og hreyfingu. Við munum fara að minnsta kosti 1x í viku í vettvangsferð, annað hvort hver hópur fyrir sig eða allir saman. Þá er farið í lengri og styttri gönguferðir. Í þessum vikulegu ferðum okkar fer fram mikið nám og hreyfing og áhersla er lögð á að byggja upp þol og þrek barnanna. Við munum einnig skoða ýmislegt annað sem okkur dettur í hug en umfram allt hafa gaman.

## Veikindi

Leikskólinn er ætlaður heilbrigðum börnum. Það eru 5-7 börn á hvern starfsmann og býður stundarskráin ekki upp á að hægt sé að taka einn starfsmann út úr starfinu til að vera inni með eitt barn. Í undantekningartilvikum getur barn fengið að vera inni í einn dag eftir langvarandi veikindi. Barnið verður að vera búið að vera heima hitalaust í einn til tvo daga áður en það kemur aftur í leikskólann.

**Barn á ekki að koma í leikskólann ef:**

- **Barnið er með hita.**
- **Barnið er með kvef, hósta og að minnsta kosti eitt af eftirtöldum einkennum til viðbótar: slappleika, höfuðverk, beinverki, þreytu, kviðverki og/eða niðurgang.**
- **Barn skal sótt í leikskólann ef heilsufar þess breytist; barnið fær hita yfir 38°C og flensulík einkenni.**

## Afmæli

Á afmælisdegi barnsins eða þann dag sem haldið er upp á afmæli þess í leikskólanum fær barnið að vera borðstjóri. Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmælisdaginn. Afmælisboðskort í hólf barnanna eru ekki leyfileg þar sem skapast geta óþarfa leiðindi ef eitt barn fær boðskort en annað ekki, fáið frekar heimilisföng/símanúmer barnanna hjá okkur og gerið skemmtilega ferð úr því að dreifa þeim í heimahús.

## Karellen

Við notum leikskólakerfið Karellen til að halda utan um alla mætingu nemenda. Í Karellen er einnig boðið upp á skráningu á svefntíma og matartíma barnanna auk þess sem myndir af börnunum eru settar inn á þeirra svæði. Foreldrar geta á einfaldan hátt sent skilaboð til deildar barnsins með upplýsingum um t.d. veikindi, hver nær í barnið o.s.frv. Á sama hátt geta kennarar sent skilaboð til hópa eða einstaka forráðamanna innan kerfisins.

Þeir foreldrar sem ekki hafa skráð sig inn í kerfið gera það með því að fara inn á [my.karellen.is](http://my.karellen.is) og velja síðan nýskráningu, þar eru mjög góðar skýringar á allri notkun á kerfinu. Karellen er einnig til sem app og mælum við með að þið náðið í það í símana ykkar eftir að þið hafið virkjað aðganginn á vefsíðunni.

## Leikföng og matur

### Að gefnu tilefni:

- **Leikföng að heiman eru ekki leyfileg í leikskólanum.**
- **Stranglega er bannað að koma með mat í leikskólann þar sem nokkur börn í leikskólanum eru með bráðaofnæmi.** (Það er freistandi að fá að smakka eitthvað góðgæti sem vinirnir hafa ef til vill í poka eða ofan í tösku). Við gerum þó undantekningu á þessu þegar það er nestisdagur.

## Foreldrasamtöl

Foreldrasamtöl verða í vor, á tímabilinu apríl til maí, þar sem farið verður yfir heilsubók barnsins, þroska og líðan þess í leikskólanum. Ef óskað er eftir fleiri samtölum þá er sjálfsgagt að veita þau, hafið samband við deildarstjóra.

## Kaffidagar

Á skóladagatali okkar er fyrirhugað að hafa aðventukaffi 2. desember en vegna aðstæðna í þjóðfélaginu og þá með tilliti til sóttvarna á þessum tíma verðum við að meta út frá aðstæðum hvort möguleiki verði á að bjóða foreldrum með í þessa stund.

## Vistunartími

Leikskólinn er opinn frá 7:45-16:15

Foreldrar virði vistunartíma barna sinna.

Barnið á að vera farið úr leikskólanum þegar vistunartíma þess líkur.

T.d. ef barn er með vistunartíma til kl. 14:00 eða 16:15 þá á það að vera farið út úr leikskólanum á þeim tíma og ef barn er með tímann kl. 8:00 þá má það ekki koma fyrir þann tíma. Við viljum benda á þetta þar sem fjöldi starfsmanna fer eftir því hversu mörg börn eru á deildinni á hverjum klukkutíma. Ef eitthvað óvænt kemur upp á þá vinsamlegast hringið og látið okkur vita.



## Fataherbergi

Hvert barn fær kassa sem er í hillu í fataherbergi en hann er ætlaður undir auka úitfatnað.

Í hólfinu fyrir neðan hilluna á að geyma auka útiföt: Húfu, tvö pör af vettlingum, pollavettlinga, hlýja útiþeystu og utanyfirbuxur.

Fatnaður sem á að hanga er: Útiföt eftir veðri, úlpa, snjófatnaður, pollaföt.

Auka innifatnaður er í körfum inni á baðherbergi.

Skór fara upp á skógrind fyrir neðan hólfín og stígvél einnig.

Allt úr hólfum á að fara heim á föstudögum

**Mikilvægast af öllu er taupokinn: Hann er ætlaður til að flytja fatnað milli heimilis og skóla og undir blaut og skítug föt eftir daginn.**

Einnig viljum við brýna fyrir foreldrum að merkja öll föt, skó og stígvél.

## Bílaplan

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í bifreiðastæði sem ætlað er fyrir fatlaða og auðkennt er með þar til gerðu umferðarmerki. Í leikskólanum eru börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið

í leikskólanum foreldrar sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig viljum við minna foreldra á að drepa á bílnum þegar þeir koma með eða sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

### Mikilvægt:

- keyra inn á bílaplanið um efri innkeyrslu
- keyra út af bílaplaninu um neðri útkeyrslu
- loka og læsa leikskólahlíðinu þegar þið gangið um það
- gæta þess að ekkert barn fari út um hliðið nema ykkar eigið
- að börnum sé ekki leyft að opna og loka hliðinu

Vinsamlegast upplýsið ættingja og vini sem eru að sækja eða koma með börnin ykkar í leikskólann um þessar reglur.

**Kær kveðja frá kennurum Lóunnar með von um gott og ánægjulegt samstarf í vetur.**

**Jóhanna, Kara, Helena og Dísá.**